



# Hysbysiad preifatrwydd WCVA: i gyfranogwyr mewn prosiectau a ariennir gan Ewrop

## CYFLWYNIAD

Rydym yn trin preifatrwydd a chyfrinachedd o ddifrif. Rydym wedi datblygu'r hysbysiad preifatrwydd hwn er mwyn bod mor glir â phosib am y wybodaeth bersonol yr ydym yn ei chasglu a'i defnyddio.

Rydym yn cydymffurfio â phob elfen o ddeddfwriaeth diogelu data y Deyrnas Unedig, sy'n cynnwys y Rheoliad Diogelu Data Cyffredinol (GDPR) a Deddf Diogelu Data 2018.

**Darllenwch yr hysbysiad hwn yn ofalus a chysylltwch â ni os oes gennych unrhyw gwestiynau neu bryderon ynglŷn â'n harferion preifatrwydd.**

## PWY YDYM NI?

Cyngor Gweithredu Gwirfoddol Cymru (WCVA) ydym ni, Elusen Gofrestredig (rhif 218093) a Chwmni Cyfyngedig drwy Warant (rhif 425299). Ni yw'r mudiad aelodaeth cenedlaethol i'r trydydd sector yng Nghymru. Mae WCVA, gyda'r Cyngorau Gwirfoddol Sirol, yn darparu'r seilwaith cenedlaethol, rhanbarthol a lleol i'r trydydd sector yng Nghymru. Cenhadaeth WCVA yw bod yn gatalydd dros newid positif drwy gysylltu, galluogi a dylanwadu. I gael rhagor o wybodaeth, ewch ar ein gwefan <http://wcva.cymru>.

Mae WCVA wedi'i gofrestru'n Rheolydd Data â Swyddfa'r Comisiynydd Gwybodaeth, rhif cofrestru Z6141301. Yn WCVA mae gennym Swyddog Diogelu Data sy'n goruchwyllo ein gweithgareddau prosesu sef Emma Waldron, a gellir cysylltu â hi drwy ebostio [dpo@wcva.cymru](mailto:dpo@wcva.cymru) neu ffonio 0300 111 0124.

## **PWY YW'R RHEOLYDD DATA?**

Caiff y wybodaeth y gofynnwn i chi ei darparu ei hadrodd i'r cyllidwr, gan ein bod yn gweinyddu'r gronfa ar ei ran. Yn yr achos hwn, y cyllidwr a'r Rheolydd Data yw Swyddfa Cyllid Ewropeaidd Cymru ac mae ei hysbysiad preifatrwydd ar gael yma:

<https://gov.wales/docs/wefo/publications/180525-wefo-gdpr-cy.pdf>.

## **PA GATEGORIÄU O DDATA PERSONOL Y BYDDWN YN EU CASGLU A'U DEFNYDDIO?**

Fel rhan o drefniadau cyllido'r prosiect hwn rhaid i ni gasglu tystiolaeth o'ch cymhwysedd a gwybodaeth ynglŷn â'ch cyfranogiad yn y prosiect. Bydd hyn yn cynnwys gwiriadau hunaniaeth, statws cyflogaeth a thystiolaeth arall sy'n ofynnol i'r rhaglen yr ydych yn ymuno â hi. Mae hefyd angen i ni gadw gwybodaeth am eich cynnydd drwy gydol y prosiect.

I ymuno â phrosiect a ariennir drwy Gronfa Gymdeithasol Ewrop rhaid i chi gytuno i ddarparu'r wybodaeth y gofynnir amdani gan na all WCVA gael at y cyllid ar gyfer y prosiect heb gasglu'r wybodaeth ofynnol. Mae rhagor o wybodaeth am Gronfa Gymdeithasol Ewrop ar gael [yma](#).

## **Y SAIL GYFREITHLON DROS BROESU'CH DATA PERSONOL**

Swyddfa Cyllid Ewropeaidd Cymru yw'r Rheolydd Data mewn perthynas â gwybodaeth a brosesir sy'n ymwneud â phob cyfranogiad yng Nghronfa Gymdeithasol Ewrop. Nodir y sail gyfreithlon dros brosesu data personol o dan Gronfa Gymdeithasol Ewrop yn adran 7 yn y ddogfen hon

<https://gov.wales/docs/wefo/publications/180525-wefo-gdpr-cy.pdf>.

## **PWY ARALL FYDD YN CAEL EICH DATA?**

Bydd y wybodaeth yr ydych yn ei rhoi i'r mudiad sy'n cynnal y prosiect yn cael ei rhannu â WCVA a Swyddfa Cyllid Ewropeaidd Cymru ac yn cael ei defnyddio i werthuso'r prosiect hwn ac at ddibenion monitro yn unol â gofynion rheoleiddiol y Comisiwn Ewropeaidd.

Bydd eich gwybodaeth hefyd yn cael ei rhannu â mudiadau ymchwil a gwerthuso sy'n gweithio ar ran Swyddfa Cyllid Ewropeaidd Cymru a WCVA. Mae'n bosib y bydd y mudiadau hyn yn cysylltu â chi i drafod eich profiad yn y prosiect at ddibenion ymchwil.

Mae'n bosib y bydd eich manylion personol yn cael eu cysylltu â chofnodion gweinyddol swyddogol i fonitro'ch statws cyflogaeth cyn i'ch cymorth gan Gronfa Gymdeithasol Ewrop ddechrau a 6 i 12 mis ar ôl i chi adael.

**Ni fydd eich data'n cael ei ddefnyddio na'i rannu at ddibenion masnachol na marchnata.**

Bydd eich gwybodaeth yn cael ei chadw'n ddiogel bob amser, ac ni fydd gan neb heb awdurdod fynediad ati.

### **A fydd eich data yn cael ei drosglwyddo i dderbynnydd y tu allan i'r Ardal Economaidd Ewropeaidd?**

Na fydd, ni fydd WCVA yn trosglwyddo'ch data i dderbynnydd y tu allan i'r Ardal Economaidd Ewropeaidd.

### **Am ba mor hir y byddwn yn cadw'ch data?**

Bydd eich data'n cael ei gadw ar weinyddion diogel tan 31 Rhagfyr 2026, neu'n hwyrach os yw Swyddfa Cyllid Ewropeaidd Cymru yn dweud wrthym i wneud hynny.

## **PA HAWLIAU SYDD GENNYCH?**

Mae gennych nifer o hawliau mewn perthynas â'r data personol sydd gennym amdanoch. Dydy'r holl hawliau ddim yn berthnasol yn yr holl amgylchiadau. Os hoffech arfer unrhyw rai o'r hawliau hyn, cysylltwch â ni yn y ffyrdd a nodir yn yr adran *'Pwy ydym ni?'*:

- Mae gennych hawl i gael mynediad at y wybodaeth bersonol sydd gennym amdanoch.
- Mae gennych hawl i ofyn i ni gywiro unrhyw wybodaeth sydd gennym amdanoch yr ydych yn credu sy'n anghywir neu'n anghyflawn.
- Mae gennych hawl i wrthwynebu unrhyw achos o brosesu eich gwybodaeth bersonol lle byddwn yn dibynnu ar fudd cyfreithlon i wneud hynny a'ch bod o'r farn bod eich hawliau a'ch buddion chi yn drech na'n rhai ni a'ch bod yn dymuno i ni roi'r gorau iddi. Fodd bynnag, fe allai fod rhesymau cyfreithiol neu resymau teg eraill pam fod angen i ni gadw neu ddefnyddio eich gwybodaeth. Os yw hynny'n wir, byddwn yn ystyried eich cais ac yn esbonio pam na allwn gydymffurfio ag ef. Gallwch ofyn i ni gyfyngu ar ddefnydd o'ch gwybodaeth bersonol tra byddwn yn ystyried eich cais.
- Mae gennych hawl i wrthwynebu os ydym yn prosesu'ch gwybodaeth bersonol at ddibenion marchnata uniongyrchol. Os na hoffech i ni gyfathrebu â chi mwyach, cysylltwch â ni. Ni fyddwn wedyn yn cyfathrebu â chi, ond byddwn yn cadw cofnod ohonoch a'ch cais i beidio â chlywed gennym. Pe baem yn dileu'ch holl wybodaeth o'n cronfeydd data marchnata uniongyrchol, ni fyddai gennym gofnod o'r ffaith eich bod wedi gofyn i ni beidio â chyfathrebu â chi ac mae'n bosib y byddwch yn dechrau clywed gennym ryw adeg yn y dyfodol, os ydym yn cael eich manylion o ffynhonnell wahanol.
- Mae gennych hawl i ofyn i ni ddileu eich gwybodaeth. Enw arall ar hyn yw'r hawl i gael eich anghofio neu ddilead. Fyddwn ni ddim bob amser yn cytuno i wneud hyn ym mhob achos, gan y

gallai fod rhesymau cyfreithiol neu resymau teg eraill pam fod angen i ni gadw neu ddefnyddio eich gwybodaeth. Os yw hyn yn wir, byddwn yn ystyried eich cais ac yn esbonio pam na allwn gydymffurfio ag ef. Gallwch ofyn i ni gyfyngu ar ddefnydd o'ch gwybodaeth bersonol tra byddwn yn ystyried eich cais.

- Pan fo prosesu'ch gwybodaeth bersonol wedi'i seilio ar eich caniatâd, mae gennych hawl i dynnu'r caniatâd yn ôl unrhyw bryd. Cysylltwch â ni os hoffech wneud hyn.
- Gall fod gennych hawl i gael y wybodaeth bersonol yr ydych wedi'i rhoi i ni mewn fformat y gellir ei aildefnyddio'n rhwydd ac i ofyn i ni anfon y wybodaeth bersonol hon ymlaen yn yr un fformat i fudiadau eraill. Cysylltwch â ni i ddarganfod a yw'r hawl hon yn berthnasol i chi.

## **I BWY Y DYLECH GWYNO?**

Yn y lle cyntaf, dylech gysylltu â Swyddog Diogelu Data WCVA drwy'r manylion a nodir o dan 'Pwy ydym ni?', ond mae gennych hawl i gwyno i'r Rheoleiddiwr Diogelu Data, sef Swyddfa'r Comisiynydd Gwybodaeth, drwy ffonio 0303 123 1113 neu ebostio: <https://ico.org.uk/global/contact-us/email/> neu ysgrifennu at Swyddfa'r Comisiynydd Gwybodaeth: Wycliffe House, Water Lane, Wilmslow, Cheshire SK9 5AF.

## **NEWIDIADAU YN YR HYSBYSIAD PREIFATRUYDD HWN**

Diweddarwyd yr hysbysiad preifatrwydd hwn ddiwethaf ar 22 Gorffennaf 2019. Rydym yn adolygu'r hysbysiad preifatrwydd hwn yn rheolaidd a gallem ei newid o bryd i'w gilydd drwy ddiweddarau'r dudalen hon i adlewyrchu newidiadau yn y gyfraith a/neu ein harferion preifatrwydd. Fe'ch anogwn i wirio'r hysbysiad preifatrwydd hwn am unrhyw newidiadau yn rheolaidd.